



Laurentius Esingerus Villingensis à teneris annis bonis literis operam dedit, & in Friburgensi academia sibi mediocrem eruditionem comparauit. Postea ut & pietati & libris commodius inhærere posset, monasterium Ethonis, qui comes Habsburgensis & postea Episcopus Argentinensis anno 765 fuit, quod nunc dicitur Ettesheimmünster ad syluam Hercyniam in Brisgaudia accessit, & Benedictinorum ordinem suscepit. In eo loco cum multis uirtutibus esset conspicuus, anno 1500 communibus fratrum suffragiis abbas eligitur. Tum uero monasterium aere alieno obnoxium egregie liberauit, atque multis aedificiis restaurauit, fratribus quoque auctor fuit, ut libris inhærent, atque uitae integritate alijs exemplo essent. Cum hoc modo per 43 annos optime praefuisset, annis & uigilijs consumptus, anno 1540 obiit, & in templo summa reuerentia terrae à mortuis fratribus mandatus fuit, cuius etiamnum frequens mentio eo in loco existit, id quod ex abbate & alijs fratribus ibidem anno 1565 in Augusto multa uirtutum enumeratione intellexeram, Casp. Bruschi, de monast. German.